

Guangjisi Minzcu Bau

ganhhau: CN45-0036 B.2018 Nd.9 Ng.5 liggaeuq fouhswt nienz ndwencaet ngeihroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3340期

Gaiq Daihcib Guengjsae Heiq Comzyienj Daihgingz Heiqmoeg Heiqcuengh 《Baksaek Gijyi》 Yienjok Ndeiyawj

第十届广西戏剧展演大型剧目壮剧《百色起义》精彩上演

Ndwen 9 ngoenz 1 banhaemh, gaiq daihcib Guengjsae heiq comzyienj daihgingz heiqmoeg Heiqcuengh 《Baksaek Gijyi》 youq Namzningz Heiqciengz yienjok ndeiyawj. Heiqmoeg cingj it gaep bienheiq Lij Baujginz guh heiqmoeg bienheiq, guekgya it gaep daujyenj Gungh Yaujdungh caeuq Guengjsae Heiqyienh yencangj Lungz Cen lienzhah guh daujyenj, youz bouxyienj maenhndei Guengjsae Heiqyienh cawjyienj.

Heiqcuengh 《Baksaek Gijyi》 yungh Baksak Gijyi bi 1929 fatseng youq Guengjsae haenx guh sucaiz cauhguh baenz, dajcauh le gij

yienghsiengq Dwng Siujbingz, Lij Mingzsui, Veiz Bazginz daengj haujai bouxcijveih hoenx ciengq Baksak Gijyi, hix dajcauh le gij yienghsiengq Veiz daxbuz daengj beksingq Guengjsae caeuq yah Dwng Siujbingz Cangh Sizyenz, yah Lij Mingzsui Loz Cauhyiz daengj vunz, bouh heiq neix gig miz gij sim gingq senhleiz Baksak Gijyi, danqhaenh gwzming senhleiz vut mingh mbouj lau dai gouq guek gouq beksingq, danqhaenh beksingq Mbanjcuengh vih Cungguek gwzming guh ok gunyeng hungloet, dauqyawj lizsij, dauqgeix seizneix, hemqheuh vunz daihneix dauqlaeb ngeixnaemj caeuq

sinyangj.

Bouh heiq neix youq gwnz yisuz yungh le soujap moq mbouj doengz heiq conzdungj, gij seiqgyaiq hoenz haujai senhleiz gapbaenz haenx caeuq seiqgyaiq yienhsaed gapbaenz song aen daizheiq seizgan caeuq hoenggan mbehai lwnhgangj, gyaepgouz sijsihsing caeuq higising giethab, yienh moq caeuq biujyienh giethab, raiz caen caeuq raiz ei giethab, gig miz swhsiengjsing, yisuzsing caeuq cangsinsing, doiq saekhoengz daezcaiz cauhguh dwg baez damqra moq he, hix dwg baez cungbyoengq hungnaek he.

(Liz Yaujyij)

SIUSIK DINJ

简讯

● Geij bi neix daeuq, Nanz-danh Yen dawz hwngfat canjnieb gaujien dangguh canjnieb youq-gaenj gyalai bouxguhnaz souhaeuj, diuzcingj nungzyez gezgou, doidoengh lajmbanj ginghci hwngfat, onjyamq doicaenh guh mbawien cangqheiq hwngfat, vih boux-ndaem' ien laisou baenz miz daezhawj baujcanz rengzrwd. Ciuq gyoepsuenq, bineix aen yienh neix gungh miz 9 aen yanghcin 41 aen hingzcwng cunh 329 ranz ndaem ien, yawhsuenq daengx bi soucawx ien 2 fanh rap, gyaqcienz dij 2300 fanh maenz.

(Sah Yenzyungj)

● Bineix doxdaeuj, Dasinh Yen dungjcouz anbaiz ngaenzcienz 150 fanh maenz, cujciz yienh gaep yihyen caeuq gak yanghcin veiswnghyen gapbaenz doihfugsah yw bingh haiguh aen hozdung "bangrengz vut gunz · seongq yw roengz mbanj", cwgoemq daengx yienh cienzbouh hingzcwng cunh 1356 aen mbanj. Doenggyaq haiguh yw bingh mbouj au cienz, cangqheiq cihsiz gyangjcoz, fat gij swhliu senhconz cwngcwz banggungz cangqheiq daengj hozdung, mizyauq gaijgez vunzlai yawj bingh hoj, yawj bingh bengz daengj vwndiz.

(Suh Meijsenh)

● Ndwen 8 ngoenz 28, Fuzsuih Yen Cwngfazvej cujciz doihsenhconz fwen youq yienh vwnzva gvangjcanz banh aen hozdung hoih fwen cauhaeb mbouj miz sezgyau. Ciuq cam rox, baez hozdung neix yungh gij hingzsik bienraiz cienzciengq fwen fanj sezgyau, senhconz cienzdoh fanj sezgyau fapceih cihsiz, hawj gij saedcej vwnzva cingsaenz vunzlai ndaej fungfouq doengzseiz, gya-giengz gij naengzlig vunzlai rox faenbied caeuq dingjdangj sezgyau.

(Moz Liyen)

● Bineix doxdaeuj, Denhdwngj Yen cietsaed gyalai bued ngaenzcienz hozdung hwnjguh lajmbanj habyouq, gya' gvangq diuzroen couz ngaenzcienz, baujmaenh ngaenzcienz hozdung hwnjguh lajmbanj habyouq miz baujcanz, rengzrwd doidoengh hozdung lajmbanj habyouq miz bouhloh haiguh. Ciuq gyoepsuenq, bineix doxdaeuj, aen yienh neix gyoeb-suenq bued roengz ngaenzcienz hozdung hwnjguh lajmbanj habyouq 2443.16 fanh maenz.

(Luz Linzluj)

Aen Duenz Bajheiq Guengjsae Bae Daengz Lungzswng Yienj Heiq Leih Minz

广西杂技团基层惠民演出走进龙胜



Ndwen 8 ngoenz 29, Aen Duenz Bajheiq Guengjsae bae daengz Lungzswng Gak Cuz Swciyen haiguh aen hozdung yienjok haeuj lajmbanj leih minz. Mwh yienjok, gyoengq bouxyienj yungh gij dajdaej netsaed, gij dinfwngz gvenqsug, gij gingniemh fungfouq vih bouxyawj biujyienj baenq deb, bi gien, daeb gyong daengj cezmuz ndeiyawj. Doenghgij cezmuz ndeiyawj neix hawj Lungzswng Minzcuz Cungsim Gvangj-cangz nauhyied hwnjdaeuq, hawj bouxyawj yienhciegiz yawj dwk lwgda cungj mbouj yaep, hawj vunzlai ndaej yawj daiz heiq ndeiyawj he. Ndaw doz dwg bouxyienj cingq youq gwnz daiz yienj heiq.

(Banh Cisiengz/潘志祥)

Fungsanh Daegsaek Canjnieb Cuknet Giekdaej Vut Gungz

凤山特色产业夯实脱贫基础

Daj haiguh hong vut gungz gunggeng doxdaeuj, Fungsanh Yen dawz canjnieb banggungz dangguh fwngzgaem, gonqlaeng cingjhab ngaenzcienz 2 ik maenz, bangfuz hwngfat daegsaek canjnieb, guhbaenz faexsamoeg, youzczaz, batgak, hwzdauz, ywdoj caeuq laj gofaex dajciengx, gosangh nonsei daengj daegsaek canjnieb gwzgiz, cuknet le gij giekdaej vut gungz gunggeng.

Aen yienh neix gonqlaeng yinxhaeuj Luegvanshou, Yindaz Guh

Yw, Hangz Mak Bozlungz daengj giyez, youz giyez doengjit gung gomiuz, gung liuh, gung dinfwngz, baugyaq soudauq, gyagoeng, siugai, doicaenh sam cungj canjnieb yungzhab hwngfat. Doengzseiz, yawjnaek dajcauh binjbaiz, "gaeq Luegvanshou" doenggyaq swnghdai dieg ok nduj baujhoh doxgaiq nyinhdingh, ndaej senj haeuj 2017 Guengjsae dwzcanj gai daengx guek haedsim binjbaiz mingzloeg; "haeuxcid Fungsanh" "haeuxsuen

Fungsanh" ndaej gij doxgaiq baujhoh geiqhauh deihleix guekgya.

Seizneix, daengx yienh ndaem faexsamoeg 43 fanh moux, youzczaz 30 fanh moux, batgak 22 fanh moux, hwzdauz 33 fanh moux, ywdoj 2 fanh moux, gosangh 3.3 fanh moux, laj gofaex dajciengx gaeq hwzdauz 700 fanh duz, moudoj 2 fanh duz, yienzbya 2.8 fanh duz, cwz 1 fanh duz, bi canjciz mauhgvaq 10 ik maenz.

(Yangz Siufu)